

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Demonstratur Deum non posse in compositionem aliorum venire

[urn:nbn:de:hbz:466:1-77132](#)

DISPUTATIO QUARTA

affingebant. In quem errorem, nonnullos Aegypti Monachos, solā imperitiā, & rusticitatis simplicitate, lapsos esse, referunt S. Augustinus libro 1. de morib[us] Eccles[ie]. cap. 10. & Cassianus collat. 10. cap. 2. 3. & 5. Hunc reprobat Scriptura variis in locis, in quibus Deus vocatur Spiritus: Joan. 4. *Spiritus est Deus.* 2. ad Corinth. 5. *Dominus autem Spiritus est.* Aetorum 12. Non debemus existimare sculptura artis, & cogitationis hominis, divinum esse simile. Et ad Romanos 1. Dicentes se esse sapientes, stulti facti sunt. & mutaverunt gloriam incorruptibilis Dei, in similitudinem imaginis corruptibilis hominis: quod directe contra Anthropomorphitatum pugnat errorum.

Nec illis faveant quædam Scriptura loca, in quibus Deo attribuuntur membra corporea, ut Job 40. *Si habes brachium sicut Deus;* & actiones quædam humanæ: ut videre, audire, sedere, stare. Vel etiam trina dimensio, ut Job 11. *Excelso calo est, & quid facies? profundior inferno, & unde cognoscis? longior terræ mensura ejus, latior mari.* Hæc enim in sensu metaphorico intelligenda sunt, ita ut profunditas, vim ejus cognoscendi occulta; altitudo excellentiam virtutis ejus super omnia, sive potentiam Dei omnium gubernante, & conservante; longitudu durationem, latitudu afflitione dilectionis ad omnia denotet. Vel ut profunditate, incomprehensibilitas Dei: longitudine, processus virutis ejus ad omnia penetrantis: latitudine, protectio ejus omnia continens, significentur, ut notat S. Thomas hic art. 1. ad 1. ex S. Dionysio cap. 9. de div. nom. Eodem modo, oculis Dei, ejus scientia & providentia: brachio & manibus, ejus potentia operativa ad extra: pedibus, amor & affectus, vel etiam operatione transiens, designantur. Denique dicitur Deus sedens propter suam immobilitatem, & autoritatem: stans, propter suam fortitudinem, ad bellandum omne quod ipsi adversatur: nec aliter ad illum acceditur, vel ab illo receditur, quam affectibus mentis: juxta S. Thomam ibidem ad 3. 4. & 5.

Non licet etiam, ex eo quod homo sit factus ad imaginem & similitudinem Dei, inferre Deum esse corporeum, humanamque habere figuram, ut enim notat idem S. Doctor hic art. 1. ad 2. post D. Augustinum libro 1. de Doct. Chrift. & in Psalmum 48. imago Dei non est in homine secundum corpus, sed secundum intellectum & rationem, quæ sunt incorporeæ. Vel ut docet Chrysostomus homilia 8. in Genesim, imago Dei in homine, est ratione domini, & principatus quem habet in ceteras creaturas: Unde postquam Deus dixit Genesim 1. *Faciamus hominem ad imaginem & similitudinem nostram,* statim addit, *ut preserbitus maris, & volatilibus celo.*

Non obest etiam divina simplicitati, mysterium Trinitatis, quamvis in eo fides agnoscat tres personas realiter distinctas, & in eadem essentialiter conjunctas. Ut enim docet S. Doctor in 1. dist. 8. qua st. 4. art. 1. ad 4. *Perfectio personalis comparata ad essentialiam, non differtre ab ipsa,* & ideo non facit compositionem cum ea: sed comparata ad suum correlativum, facit distinctionem reali; sed ex illa parte non est aliqua unitas, & ideo nec compositione. Quibus verbis declarat, quod ut divina persona compositionem essentier cum essentiali, deberent uniri inter se, sub ea ratione quæ relativè distinguuntur: sic verò non uniuertur,

sed potius opponuntur; sed solum quæ ratione comparantur ad essentialiam, cum qua realiter identificantur; & sic ex neutra parte faciunt compositionem: non ex parte essentiali, propter defectum distinctionis; nec ex parte correlativorum, propter defectum unionis.

§. II.

Demonstratur Deum non posse in compositionem aliorum venire.

Ico secundò, impossibile esse quod Deus veniat in compositionem aliorum, saltem per modum partis intrinsecè componentis. Est contra quodam antiquos Philosophos, qui, ut refert S. Augustinus libro 7. de civit. arbitrii sunt Deum esse animam mundi, & singulas ejus partes informare, sicut anima informat partes corporis humani: quod etiam assertuit Almarius, damnatus in Concilio Lateranensi: Cujus mentem (inquit Concilium) sic pater mendaciter excocavit, ut eus doctrina, non tam heretica, quam insana sit. Est etiam contra quendam Davidem de Dinando, qui ut dicit S. Thomas hic art. 8. *Stylissime posuit Deum esse materiam primam.*

Probatur conclusio triplici ratione, quam ibidem insinuat S. Doctor. Prima est, quia Deus est prima causa efficiens rerum omnium, cuius non est intrinsecè componere, sed extrinsecè efficiere composita. Secunda, Deus est primum & per se agens: quod autem venit in compositionem, non est primum per se agens, sed potius factum, & compositum. Tertia, Deus est ens perfectissimum, & completestissimum: omnis autem pars componens, est imperfecta & incompleta, & pendet à causa efficiente, ut alteri conjugatur: Ergo impossibile est, quod Deus veniat in compositionem aliquius per modum partis.

Dices: Persona Christi est composita ex personalitate Verbi & humanitate assumpta, ut docent Theologoi in Tractatu de Incarnatione, & definitur in 3. Synodo generali, his verbis: *Si quis non constitutur unionem Verbi ad carnem conjunctam animæ rationali, secundum compositionem, anathema sit.* Et Leo Pape, Epistolâ ad Julium, docet Christum constare ex tribus substantiis: scilicet Verbo, anima, & carne: Ergo Deus potest venire in compositionem alterius.

Respondeo concessio Antecedente, distinguendo Consequens. Ergo potest venire in compositionem alterius, per modum partis materialis, aut formalis intrinsecè componentis, negotio: per modum termini complimenti & actuanti aliquam naturam, concedo. Sive utalii dicunt: compositione ex his, negotio: compositione cum his, concedo.

Explicatur: Duplex datur compositione: una quæ fit ex partibus, & entibus in completis, quorum unum ab alio perficitur & actuatur, & vocatur compositione ex his: qualis est compositione ex materia & forma, vel ex subiecto & accidente; & hæc cum essentialiter involvat imperfectionem dependentia, vel informationis, Deo repugnat. Alia vero est quæ terminus unitur rei terminabili, eam intrinsecè complendo, actuando, & terminando: quo pacto subsistentia unitur natura, & vocatur compositione cum his; & hæc nullam includit dependentiam, vel informationem, aut imperfectionem ex parte termini: sed potius suministrat in eo denotat actualitatem, & perfectionem. Et hoc genere compositionis, quæ nullo modo divina simplicitati officit, docent Theolo-

Theologi cum S. Thoma 3. parte, quæst. 2. art. 4.
per sonam Christi ex personalitate Verbi Divini,
& humanitate assumpta, esse compositam, utin
Tractatu de Incarnatione latius exponemus.

§. III.

Excluditur etiam à Deo compositio rationis.

Dico tertio: In Deo non esse compositionem rationis ex genere & differentia. Ita D. Thomas in art. 5. 1. cont. Gent. cap. 25. & de ente & essentia cap. 6. ubi variis rationibus hanc veritatem demonstrat.

Prima est, Deus est actus purus: Ergo non componitur ex genere & differentia. Probatur Consequentia: genus dicit potentiam perfectibilem per differentiam: Ergo si Deus sit actus purus, non potest componi ex genere & differentia nam purus actus, nullum debet habere permissionem potentiae.

Dices cum Nominalibus: Actum purum excludere solùm à se potentiam realem, non autem potentiam rationis, qualis est illa quæ generi in comparatione ad differentias competit.

Sed contra: licet hac compositione sit rationis, debet tamen habere fundamentum ex parte rei cognitæ, cum non sit compositionis rationis rationans, sed ratio in causa; & cum intellectus noster non fundatur ad libitum in aliqua re, conceptum generis & differentiae: Sed fundamentum gradus generici est potentialitas quæ repertur in natura quæ denominatur genus: Ergo ut aliqua natura componatur ex genere & differentia, debet habere aliquid potentialitatis, & aliquid actualitatis, quod actu puro repugnat.

Secunda ratio: Si Deus componeretur ex genere & differentia, vel illud genus ex quo componeretur, & in quo cum rebus creatis univocè conveniret, esset ens, vel substantia? Neutrum dici potest: Ergo Deus non componitur ex genere & differentia. Minor probatur quantum ad utramque partem. Et primo quod non possit esse ens: ut suppono ex Metaphysica, ens non est univocum, sed analogum ad Deum & creaturas. Tum etiam, quia genus debet esse extra suas differentias: ens autem, cum sit transcedens, in omnibus formalitatibus & differentiis rerum includitur. Quod vero non possit esse substantia, sic ostenditur. Supremum genus praedicamenti substantiae, est illud cui competit apertitudinaliter tantum, seu radicaliter esse per se; & cui convenit secundariò tanquam proprietas, substat accidentibus, & esse subjectum contrariantem: At Deus, cum sit suum esse per se substantia, non potest habere hanc perfectatem apertitudinalem, seu radicalem, sed tantum actualem & exercitam: & cum sit immutabilis, non potest substat aliquid accidenti, nec esse subjectum contrariantem: Ergo substantia non potest esse genus ex quo Deus componatur, & in quo cum rebus creatis univocè conveniat.

Tertia ratio sumitur ex infinitate Dei, & potest sic formari: Impossibile est quod essentia simpliciter & in genere entis infinita, constet genere & differentia: Sed essentia divina est simpliciter & in genere entis infinita: Ergo non potest constare genere & differentia. Minor patet, Major probatur. Impossibile est id quod est infinitum in aliquo ordine, constare ex duabus rationibus, in eodem ordine finitis & limitatis: Sed genus & differentia sunt quid finitum & limita-

tum in ratione entis: Ergo impossibile est quod essentia infinita constet genere & differentia. Major est evidens, quia ex rationibus finitis, nihil nisi finitum fieri potest. Minor probatur: Genus & differentia, si invicem excluduntur in suis conceptibus: Ergo conceptus differentiae, non includit rationem entis, quam continet conceptus generis, nec est conversio, genus rationem entis, quam continet differentia: Ergo qualibet ex istis duabus rationibus, est finita & limitata perfectionis in ratione entis, & non infinita cum infinitum in quolibet genere, omnes illius perfectiones includat.

B. Confirmatur & magis illustratur hæc ratio. Genus & differentia sunt partes metaphysicæ, speciem componentes, & se mutuo excludentes: genus enim in suo conceptu non includit etiam implicitè differentiam, nec differentia genus: Sed impossibile est in ente infinito dari duas rationes, aut perfectiones, se invicem excludentes, & quarum una, implicitè saltem, non includatur in alia: Ergo impossibile est, in ente infinito dari compositionem ex genere & differentia. Major constat, Minor vero probatur. Impossibile est in ente infinito dari aliquam rationem vel perfectionem, quæ in suo conceptu aliquid imperfectionis includat, alia illud non est infinitè perfectum: Sed illa perfectio quæ à suo conceptu aliam excludit, aliquam imperfectionem importat, nam excludere se aliquam perfectionem, imperfectio est: Ergo repugnat in ente infinito dari aliquam perfectionem, quæ à suo conceptu aliam excludat, eamque implicitè saltem non includat.

C. Confirmatur amplius: Sicut repugnat aliquam lineam esse infinitam, si sit terminata propriis terminis, scilicet punctis, ita implicat aliquam substantiam esse in genere entis infinitam, si sit terminata propriis terminis essentia: Sed termini essentiae sunt genus & differentia: Ergo implicat aliquam substantiam infinitam constare genere & differentia.

D. Quarta ratio: Illud omne quod constat genere & differentia, debet habere existentiam à sua essentia distinctam: Sed Deus, cum sit actus purus, & per se existens, non habet existentiam à sua essentia distinctam: Ergo non componitur ex genere & differentia. Minor constat, Major probatur. Ut enim docent Caietanus de ente & essentia cap. 6. & Ferrariensis 2. contra Gentes cap. 95. fundamentum compositionis ex genere & differentia, in substantiis spiritualibus, est distinctio essentiae ab existentia: quia cum essentia importet ordinem ad existentiam, sicut potentia ad actum, penes maiorem, vel immorum elongationem ab existentia, possunt in ipsa essentia concipi gradus magis & minus potentiales, ex quibus qui propinquior est existentia, se habet respectu remotioris, ut actus ad potentiam, & ut differentialis ad genericum. Unde substantia spiritualis ex genere & differentia constans, necessariò debet habere essentiam ab existentia distinctam, ut in ea aliquid magis propinquum, & aliud magis elongatum ab essentia concipi possit. Ad cuius rationis efficaciam, Ferrariensis existimat sufficere quod esse distinguatur ratio ne ab essentia: Caietanus et alii Thomistæ, probabilius sentiunt, D. Thomam aliquid amplius velle, & intendere, quod in re composita ex genere & differentia, existentia debet realiter ab essentia distinguiri.